

第一百三十二冊

卷二百五十一

列女傳十三

新纂雲南通志

盧漢題

簽



卷之四十五

卷之四十五

卷之四十五

新

纂

雲

南

通

志

盧

氏

校

卷

四十五

卷

四十五

新纂雲南通志卷二百五十一

列女傳十三

麗江府

明

高長妻木氏名藥師能土知府木森女夫任通安州土州同年二十

二夫卒撫子成立歷五十四年節操之堅一洗夷習

萬歷志

木青妻羅氏夫任土知府氏嫁十年夫臥病竭力調治卒不起方在

閔凶適有蕃寇慨然曰彼以我新遭喪子在襁褓婦人無能爲耳乃

親環甲躍馬先士卒一鼓克敵邊鄙以平事姑克孝教子以忠勤稱

誥封恭人年五十一卒參藩謝肇淛紀其事

康熙志

許喬遷妻樊氏鶴慶人年十八夫以鄉舉卒於京翁姑欲奪其志氏

剜目割鼻憤恨成疾守節四十二年郡守以詩輓之

康熙志

李醜妻李氏鶴慶人年二十三夫卒子復天守節五十餘年當道旌

之

康熙志

龐大治妻陶氏鶴慶人夫嘉靖乙卯舉人氏年二十二夫卒無子家

貧紡績養姑有令其改適者矢死不從姑歿喪葬如禮郡守旌之

雍正志

劉旌妻張氏鶴慶人年二十三夫卒遺腹生子斷髮誓志守節四十

一年

雍正志

楊從宜妻李氏鶴慶人夫疾篤以父母幼子囑之氏受命斷髮守節

當道旌之

雍正志

奚賓妻彭氏鶴慶人年十八夫卒子甫二歲有欲奪其志者泣血自誓守節多年人鮮見其面子女婚嫁辛苦拮据貧而且賢當事旌之

雍正志

李時若妻李氏鶴慶人年二十一夫卒紡績教子富春子有不率輒
嚙其臂泣曰爾父偃蹇以歿爾若此我何面目見爾父於地下子悔
肆力於學氏病篤子嘗糞衣不解帶病尋愈當道旌之

雍正志

李廷璋妻邵氏鶴慶人年二十二夫卒子鳳鳴幼割耳誓志撫子爲
大使諸孫皆氏口授經書俱成名當道旌之

雍正志

楊嗣先妻阮氏鶴慶人夫任陽宗教諭因兵亂回里至洱海亂兵四
至避石洞中爲兵所獲氏不受辱奪刀自刎

雍正志

段廷實妻尹氏劍川人夫嘉靖乙酉舉人卒於京氏年二十六歲守
節三十餘年巡按旌之

康熙志

羅雲鳳妻段氏劍川人夫嘉靖庚子舉人氏年二十六夫卒無子終

身守節

康熙志

張氏女劍川人許字張周末于歸夫卒欲往殉父母嚴守之女伺稍

懈詣夫塚自縊因合葬

雍正志

徐文宗妻張氏劍川人夫爲諸生年二十二夫卒撫子守節五十二

年

康熙志

李樂道妻楊氏劍川人夫爲諸生事繼母孝氏事之亦如其夫及夫

病篤呼天求代夫卒自縊以殉

康熙志

楊桂生妻李氏劍川人夫卒孝事翁姑撫子成立撫按旌之

雍正志

木靖妾和氏麗江人年二十五夫卒無子誓死守節足不踰閭長齋禮佛每日跪夫靈前誦經卒之前一日遣婢遍辭親屬無疾而逝年

七十五

和地立妻仲氏麗江人年二十八夫卒撫子土府逼令改嫁堅守不從親族畏威往勸氏自縊於室家人急救得甦土府惡其抗命壓派百金氏典簪珥廬舍以納守節四十七年

王鳴鳳妻王氏夫由嵩明遷居白井爲人忠直有膽略沐天波委理迤西勦莊流寇之變天波出奔鳴鳳率莊人起義往衛臨行囑氏曰藐孤一線其付之卿乎後力戰不克死之氏年二十八聞夫殉難即自縊家人救免賊黨捕之急攜子英避居麗江土知府木搖嘉其忠節庇之遂家於麗撫子成立守節四十九年迄今子姓繁衍爲麗望族

以上麗江府志

楊廷棟妻李氏鶴慶人年二十三夫卒撫子成名守節四十三年

劉夢龍妻胡氏鶴慶人年二十歲夫卒撫子及孤姪皆成立均分家產里人賢之

楊廉妻張氏鶴慶人流寇將至夫挈家往避麗江賊破麗江後舉家被執欲汙之氏語之曰合家盡爲君有我一身敢自愛乎但今日體正不潔姑寬一二日當如命賊信之至夜自縊死賊義之釋其全家以上鶴慶府志

韓氏女鶴慶人少失怙鮮兄弟母老無依願事之以終有強欲委禽者女誓死不從終不能奪其志母死仍子居紡績自給郡伯表其門

曰孝烈

採訪

段昌妻楊氏劍川人夫舉人卒於京扶柩歸誓不再適聞人謀奪其志泣血毀容終身守節

吳紹元妻顏氏劍川人年二十夫卒撫子守節七十年

張繼春妻張氏劍川人年二十一夫卒事姑孝撫子成立州牧旌之

段諭藻妻楊氏劍川人年二十夫卒撫子守節四十年州牧給額旌

之

以上鶴慶府志

清

李繼恆妻寸氏麗江人年二十二夫卒撫子成名守節五十二年

麗江府志

楊成初妻趙氏麗江人年三十夫卒撫子成名守節三十餘年學使

旌之

麗江府志

毛國翰妻居氏鶴慶人年二十三夫卒紡績撫子守節五十年

楊廷鳳妻楊氏鶴慶人年二十五夫卒紡績撫子成名守節三十餘

年

楊飛熊妻李氏鶴慶人年二十夫卒家貧里人富豪欲奪其志氏斷髮刺面人無敢干事姑以孝撫子成立子殤撫姪爲嗣訓以成名守節四十五年

楊裔旺妻羊氏鶴慶人年十八夫卒撫子成名守節四十年

王夢熊母洪氏鶴慶人年二十五夫卒孝事翁姑撫子成名守節四十餘年

王應妻楊氏鶴慶人年二十二夫卒翁姑俱老姑歿翁有癱疾不能起立氏竭力奉養便溺皆手自掃除十餘年無倦容

李愈昌妻趙氏劍川人年二十八夫卒孝事翁姑翁姑疾刲股以進

撫子成名守節三十餘年

夫卒撫子成名守節三十餘年

董某妻段氏劍川人年二十五夫卒孝事翁姑終身守節

楊璜妻陳氏劍川人年二十七夫卒孝事翁姑撫子成名守節三十

三年

李可禎妻阿氏劍川人年二十八夫卒撫子成名守節三十餘年

樊時妻趙氏劍川人年二十八夫卒撫子守節四十二年

何錫麟妻尹氏劍川人年二十五夫卒撫子守節三十七年

以上鶴慶府志

楊述文妻施氏鶴慶人夫卒守節四十年夫卒哀慟殆絕殆泣哭葬

高景隆妻蔣氏鶴慶人夫卒守節四十五年夫卒哀慟殆絕殆泣哭葬

趙履上妻張氏鶴慶人夫卒守節三十餘年

趙裕仁妻楊氏鶴慶人夫卒守節四十二年

童其昌妻莊氏鶴慶人夫卒守節四十二年

呂月光妻梅氏鶴慶人夫卒守節四十餘年 以上乾隆二年旌

趙貞女劍川人許字李報甲未于歸翁以罪戍蜀夫隨往遣所致書
令女改字女號泣矢志待夫年二十四聞夫卒哀慟欲絕設位哭葬
畢即歸李門奉養祖姑撫姪爲嗣乾隆三年旌

楊續曾妻王氏劍川人年二十七夫卒養姑撫子守節三十餘年乾

隆四年旌

楊發祖妻沈氏劍川人年十八夫卒養姑撫子守節六十二年乾隆
十一年旌

楊清溢妻李氏劍川人年十八夫卒養姑撫子守節十三年乾隆十

四年旌

王瑜妻趙氏劍川人年二十四夫卒孝事翁姑撫姪爲嗣訓以成名
守節四十餘年乾隆十四年旌

楊文會妻羊氏劍川人年二十四夫卒孝事翁姑撫姪爲嗣訓以成

名乾隆十五年旌

劉進思妻苟氏鶴慶人夫卒守節五十年

潘宗洙妻林氏鶴慶人年二十二夫卒孝事翁姑撫子成名守節三

十六年

劉灘妻趙氏鶴慶人年二十夫卒養姑撫子守節六十二年 以上

乾隆二十五年旌

周應祥妻范氏麗江人年二十五夫卒孝事翁姑撫子成名守節四

十八年乾隆二十六年旌

歐陽晉妻段氏劍川人年二十三夫卒紡績養姑撫子成名守節三十餘年乾隆三十一年旌

羅氏女劍川人年十七許字王治未于歸王卒聞訃以過門請於父母孝事翁姑姑歿撫幼叔成立乾隆五十四年旌

以上道光志據案冊

李至妻蔣氏鶴慶人夫官直隸三角淀通判氏隨姑赴署姑患腹疾親滌穢惡患癰以口吮之不假婢手年三十夫卒扶柩歸舟次漢口鄰舟火令夫弟奉姑攜子別載而逃氏號泣抱柩願同燼忽返風舟移得免夜泊洞庭盜至氏哭禱夫柩前燈焰忽射數尺柩中吼聲如雷衆驚起盜遁去抵家安葬貧如洗十指謀生養姑至八旬以壽終子景修景沅皆諸生景陽乾隆戊申舉人官知縣氏守節五十年

唐某妻高氏鶴慶人年二十八夫卒家貧紡績養姑姑卒喪不能舉鄰火無人移棺氏哭臥棺下誓同燼人聞哭聲牽之出不去衆憐其孝咸爲移棺氏乃出後隣宅俱焚氏宅無恙人以爲孝婦之感

李國定妻翟氏鶴慶人年二十一夫出師錫箔陣亡氏養翁姑孝撫子成立守節三十二年

李如陵妻張氏鶴慶人年十九夫卒於軍孝事翁姑撫子成立守節六十五年

李如旭妻黃氏鶴慶人年十七夫出師孟壘病歿撫子守節六十年
李如柏妻李氏鶴慶人年二十一夫出師孟壘病歿無子孝事翁姑守節終身

李如芝妻章氏鶴慶人年二十六夫卒撫子守節五十四年

李秉恕妻閔氏鶴慶人年三十夫出師孟壘病歿撫子守節五十年
李玉春妻王氏鶴慶人年二十八夫出師金川陣亡遺一女養姑孝
守節四十八年

李蔚後妻董氏鶴慶人年二十七夫卒孝事翁姑守節三十二年

奚文煥妻莊氏鶴慶人年二十九夫卒子以貧廢書課孫品端薦於
鄉次即入庠守節五十一年

阮興仁妻莊氏鶴慶人開封知府莊涖民女夫卒婢王氏遺腹生子
氏撫如己出王氏詭詞歸母家途爲強暴挾之去氏白於族鳴之官
王氏反噬或恐之曰將對質氏憤然曰吾父何人吾夫何人我乃與
淫婢對質耶生而辱不如死而安遂自縊

魏光玉妻陳氏鶴慶人夫出師四川氏暮婚朝別夫陣亡氏年十九

矢志養姑守節五十四年

以上道光志據採訪

任泐妻盧氏劍川人年二十四夫卒孝事翁姑撫子成名守節三十二年嘉慶五年旌

張貴興妻楊氏劍川人年二十夫兄派出師夫以兄無子請代行旌
染瘴卒氏聞訃慟哭絕粒父母慰之曰汝有託孤之責勿令死者失
所望也乃食撫二子成名嘉慶六年旌

和保泰妻楊氏麗江人年二十六夫卒無子事姑孝撫姪爲嗣守節
三十七年嘉慶七年旌

和錫瑞妻禾氏麗江人年二十八夫卒撫子成名守節四十二年嘉
慶七年旌